

Na osnovu člana 29. stav 1. tačka 3) Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj: 39/03, 22/06, i 43/10), član 32a. Stav 2. tačka 1. Uredbe o jedinstvenoj metodologiji za procjenu šteta od prirodnih i drugih nesreća („Službene novine Federacije BiH“, broj: 75/04, 38/06, 52/09 i 56/09 i člana 70. stav 1. tačka 2. Statuta Općine Vogošća („Službene novine KS“, broj: 27/14 – Prečišćeni tekst 14/15 i 9/20), Općinsko vijeće Vogošća na sjednici održanoj 31.01.2022. godine, donijelo je

## **O D L U K U**

**o prioritetima i načinu korištenja sredstava za dodjelu pomoći za saniranje šteta nastalih prilikom proglašenja stanja prirodne nesreće izazvane poplavama na području općine Vogošća u novembru 2021. godine**

### **Član 1.**

Ovom Odlukom uređuju se prioriteti i način korištenja sredstava potrebnih za djelimično saniranje šteta nastalih prilikom proglašenja stanja prirodne nesreće izazvana poplavama na području općine Vogošća u novembru 2021. godine.

### **Član 2.**

Sredstva iz člana 1. ove Odluke obezbijeđena su iz sredstva planiranih u Budžetu Općine koja se osiguravaju za te namjene, a prikupljena su po osnovu posebne naknade za zaštitu od prirodnih i drugih nesreća.

### **Član 3.**

Vodeći računa o navedenim okolnostima i visini pričinjene štete u finansijskim pokazateljima utvrđuju se sljedeći prioriteti:

1. Spašavanje ljudi i imovine od posljedica izazvanih poplavama na području općine Vogošća nastalih u novembru 2021. godine.
2. Stambeno zbrinjavanje ljudi u skladu sa važećim propisima i to:
  - a) Stambeno zbrinjavanje ljudi čiji su objekti potpuno uništeni;
  - b) Stambeno zbrinjavanje ljudi čiji objekti nisu potpuno uništeni, ali zbog oštećenja nisu za stanovanje,
3. Naknada štete koju su pretrpjeli građani na ostalim materijalnim dobrima,
4. Uređenje korita rijeke Bosne na potezu od mosta u Svrakama uzvodno u dužini 1500 m, na području općine Vogošća.

### **Član 4.**

Za realizaciju utroška sredstava iz člana 2. ove Odluke zadužuju se nadležne službe svaka u okviru svojih nadležnosti.

### **Član 5.**

Ova Odluka stupa na snagu osmog dana od dana objavljivanja u „Službenim novinama Kantona Sarajevo“

Broj: 01-02-60/22  
Vogošća, 31.01.2022. godine

PREDSJEDAVAJUĆI  
OPĆINSKOG VIJEĆA VOGOŠĆA

Aydo Gljiva

